


[www.BibleForChildren.org](http://www.BibleForChildren.org)



Bwób Zitül 6



Ini Noankwata pőepe. Noa tebe  
püóran dümdüm nyaben pam  
wató yarilürr ene nyaben  
tonarrdó, akó wa Godón  
minggüpanandó nyabelórr.  
God tüp esenórr, da módoğa,

tüp amkoman kulairrün  
yarilürr,  
zitülkus blaman  
pamkolpama ini  
tüpdü  
tibiób nyaben  
tulmil kulainóp.



Da God Noaka we bóktanórr wagó, "Ka gyagüpitótók kuri esena blaman pamkolpam kulainüm, zitülkus gazirrwóma ini tüp kuri gwarróne ibübókamde. Turrkrru, ka sab ibü blaman pabzuo ini tüppükü!"



"Wirri but elke yabióbkü, goperr  
nugupdügabi. Olgabi ut bwób singgalgónke  
ene kugupidü, da tótórr murrnausnümke  
tarre, kugupi kwata akó kalkuma."



Ene but inzan


tónggapónke: 150 küór  
kokrrap, 25 küór taptap,  
akó 15 küór kwit.




"Ma sab blaman obzek alo  
kla yazebo, da irrbuno  
butüdü. Ene alo kla sab  
marüpükü akó ibüpükü  
kwarile."



Ma sab blaman obzek lar ninis simarrulünke ama  
butüdü - siman a óp - mankü arról asenóm.




"Mankü yazebke 7 simanal lar tibiób ópal gómdamalpükü blaman ia-ia obzek tóman-koke lardógab butüdü arrbünum. A blaman ia-ia obzek tómanpükü lardógab, ma mankü wata darrpan siman lar ipadke tóba óp gódamampükü butüdü angrinüm."





Noa butüdü  
bangrinürr ene naiz  
naedógab kyab  
kórzyónüm - wa tüób,  
oya simanal olmal, oya kol,  
akó oya olmalab kol.





Noa 600 pail nóma yarilürr,  
17 ngim ngürrdü, nis ngim melpalan,  
blaman tüp kugupidü arób naea wirri  
arüngi ugón bónGANórr, akó nae  
mamtae tapanukuóp kwitüdü.





Da ngupa ugón  
bókyanórr wirri arüngi amil,  
40 ngürr akó 40 irrübüm.



Naiz naeazan tai buku  
bailürr tüp kwitana, buta  
udarüküm ugón bainürr  
nae kwitüm.



Naiz naea amkoman wirrian nóma bainürr, blaman  
wirri podo nüdarükóp. Blaman arról elklaza mólóg  
bwóbdü, ne klama ngón tomalórr, nurrbarinürr.



Da God Noan gyagüpi amaikürr, akó blaman nurr akó ngabyón lar wankü ene butüdü. Wa wór zirrsapónórr busom ini tüpdü, da naiz naea we ukyólürr.



Da wa nurre póyae  
arrmulüm we elkomólórr  
ngakanóm igó wa, naea ia  
kuri ukine tüpdügab.



27 Ngim ngürrdü, nis ngim melpaldó, tumum tüp  
amkoman mólög yarilürr. Da God Noaka tóbtanórr  
wagó, "Tubrra butüdüğab - matóka  
moba kol, akó marü simanal  
olmal akó ibü kol  
mankü."



Olgabi Noa [alta] előrr  
[Lodónkü]; blaman  
darrü-darrü obzek  
[tóman-koke]  
lardógab akó  
tóman-koke pónyaedögab,  
wa ngibürr yazebórr,  
altadó dudu yamselórr  
ura adüngüm Godón  
akyanóm.



Da God akó  
bóktanórr wagó,  
"Alkamül-koke  
tónggapórrón bóktan,  
ka ne kla angrindóla,  
ka küób akó yadi,  
mibü aodó,

akó blaman arról  
elklaza yenkü, akó  
blaman pamkolpama  
sab solkwat nidi tóbabó  
tóle, timam we kla yarile:  
ka kólba órrólab kuri  
ingrina pülpüldü."

Ene sab alka  
mül-koke  
tónggapórrón  
bóktanan timam  
yarile, kót óka tüp,  
mibü aodó.



Ka sab pülpül  
poko nóma  
dakabasulo tüp  
ngalaom, da órrólabá  
panzedó nóma okaka  
tübíne, kürü sab  
ngambangóle,

ka ne alkamül-koke  
tónggapórrón bóktan  
ingrirrü, kótó, yadi, akó  
blaman obzek arról  
elklaza, mibü aodó.



Igó wagó, sab  
naea myamem  
wirri naizüm koke  
baine blaman arról  
elklaza kulainüm.



God Noa akó tóba  
simanal olmal bles ninóp, da we  
bóktanórr wagó, "E küppükü  
bailamke akó abün olmal  
balngólamke, da tüpa tai ki  
gwarran yabübókamde!"



"Noan ne simanal  
olmala tübausürr bütüdüğab,  
idi kwarilürr: Syem, Am, akó  
Zeipet. (Am wa Keinanón ab  
yarilürr.) Ini äüd pam Noan  
simanal olmal kwarilürr;  
pamkolpama ibükagab



bayolórr ini  
tüp ngalaom."



Godón moboküpdü wirri ubi yarilürr ini  
tüpan pamkolpamdó, igósüm wa kürü ibü  
kókyanórr, tóbanan darrpanan olom,  
kürü amkoman nidi kangurre,  
kokean bamrükrrre, a i ma sab  
ngarkwat-koke arról  
ipüdórre.



Rrom 3:23 blaman pamkolpama kolae tonarr tómbapórre  
akó blaman igósidi gaodó kokeako Godón  
[wirri kómal zyón] amrranóm.

Rrom 6:23 Zitülkus módóga, kolae tonarran darrem  
ngarkwat-koke büdüla, a Godón [gyaur] kla módóga,  
ngarkwat-koke arról Kerriso Yesu mibü Lodkama.

Ibrru 9:27 God ngaen ingrinürr wa, blaman pamkolpama  
wata sab darrpan mün narrbarile, akó ene kakóm,  
God sab ibü zaz nirre.

Epesus 2:8,9 Zitülkus módóga, ene Godón gail  
tonarrdögabi e zid bairrünakla, yabiób amkoman  
bangundügabi. Ene igó kokea igó, e darrü kla  
tónggapónarre Godón yabü zid bainüm, a yabü zidbain  
Godón [gyaur klame]. God yabü koke zid ninót yabiób  
tórrmendögabi, igósüm darrü oloma koke  
ki ikub bagür yarile.



Rrom 10:9,10 Ene bóktan inzana wagó, ma ne nóma bóktono moba taepurri wagó, "Yesu wa [Lode]," akó moboküpdü amkoman angun namulo igó, God oya irsümülürr büdüldügab, marü sab zid mine.

Zitülkus módoga, tóba moboküpi nadü oloma Yesun amkoman yangune, da God oya igósidi dümdüm tonarr olomóm ine. Akó tóba taepurri nadü oloma bóktóne igó, Yesu wa Lode, da God oya igósidi zid ine.

Zon 3:16,17 Godón moboküpdü wirri ubi yarilürr ini tüpan pamkolpamndó, igósüm wa kürü ibü kókyanórr, tóbanan darrpanan olom, kürü amkoman nidi kangurre, kokean bamrükrre, a i ma sab ngarkwat-koke arról ipüdórre.

God tóba olom ini tüpdü igósüm koke zirrsapónórr pamkolpam zaz bainüm akó [kolaean darrem] aliónüm, a wa ibü zid bainüm zirrsapónórr.



1 Zon 5:11-13 Akó ini wa ene bóktana: God mibü [ngarkwat-koke arról] tülinóp, akó ini arról oya Olomdóma. Olom asi noakama, oya ngarkwat-koke arról asine; Godón Olom babul noakama, oya ngarkwat-koke arról babula. Ka ini elklaza yabüka wialómdóla, Godón Oloman ngi amkoman nidi angundako, igósüm e umul kwarilo igó, yabü ngarkwat-koke arról asine.



Bwób Zitüł 6 - 10

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: M. Maillot; Tammy S.

Gizzra Bible (tof) © 2019, Wycliffe Bible Translators,  
Inc. All rights reserved.

<https://www.bible.com/bible/3574/MAT.1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

